



**ՀԱՅԱՍՏԱՆՈՒՄ ՍՈՎԵՏԱԿԱՆ ԿԱՐԳԵՐԻ ՀԱՍՏԱՏՄԱՆ
ՔԱՌԱՍՈՒՆՀԻՆ ԳԱՄՅԱԿԻՆ ՆՎԻՐՎԱԾ ՀԱՆԴԻՍՈՒԹՅՈՒՆՆԵՐ
Մ Ա Յ Ր Ա Թ Ո Ւ Ո Ւ Մ**

Նոյեմբերի 28-ին, կիրակի, առավոտյան ժամը 11-ին, Մայր Տաճարում մատուցվում է սուրբ պատարագ, վերածնված հայ ժողովրդի ազգային պետական մեծ տոնի երջանիկ առիթով: Պատարագում է հոգեշնորհ Տ. Մուշեղ վարդապետ Պետիկյանը:

Սուրբ պատարագին ներկա է Ամենայն Հայոց Հայրապետը:

Հավարտ սուրբ պատարագի, կատարվում է է կառավարական մաղթանք, Վեհափառ Հայրապետի նախագահությամբ:

Արարողությունից առաջ հոգեշնորհ Տ. Գրիգոր վարդապետ Եղիշյանը քարոզում է օրվա տոնի ազգային, հայրենասիրական նշանակության մասին:

Նոյեմբերի 29-ին, երկուշաբթի, հայրենիքի մեծ տոնի բարեբաստիկ և ուրախ առիթով, փակ է Հոգևոր ճեմարանը:

Առավոտյան ժամը 12-ին, ճեմարանի հանդիսասրահում, տեղի է ունենում հանդիսավոր նիստ, նվիրված Հայաստանում սովետական կարգերի հաստատման 45-ամյակին:

Հանդիսության նախագահում է Վեհափառ Հայրապետը:

Ներկա են Մայր Աթոռի միաբանությունը, Հոգևոր ճեմարանի դասախոսական կազմն ու ուսանողությունը, վանքի պաշտոնեությունը:

Հանդիսությունն սկսվում է Հայկական ՍՍՌ Պետական հիմնի նվագով:

Վերաստույզ հոգեշնորհ Տ. Ներսես ծայրագույն վարդապետ Պողոպալյանը կատարում է հանդիսության բացումը, վեր հանելով

օրվա տոնի ազգային, պետական նշանակությունը հայ ժողովրդի կյանքում:

Ճեմարանի երգչախումբը հաջողությամբ կատարում է «Ծաղկի՛ր, ազատ իմ հայրենիք», «Հայրենիքում», «Արևն ելավ, զեյթունցիներ» խմբերգերը:

Գլխարանի ուսանող բարեշնորհ Գրիգոր սարկավարգ Բունիաթյանը արտասանում է Սիլվա Կապուտիկյանի «Մտորումներ ճանապարհի կեսին» բանաստեղծությունը, իսկ բարեշնորհ Եղիշե սարկավարգ Բաղրամյանը՝ Ն. Զարյանի «Վերածնունդ»-ը, խոր ապրումներով և հուզումով:

Գ դասարանի ուսանող Արարատ Գալըստյանը դաշնամուրի վրա հաջողությամբ կատարում է Բեթհովենի Առաջին սոնատայի առաջին մասը:

Հանդիսության գլխավոր բանախոսն էր Հոգևոր ճեմարանի հայոց լեզվի և գրականության դասախոս Պարգև Շահբաղյանը, որը հանդես է գալիս Հայաստանում սովետական կարգերի հաստատման 45-ամյակին նվիրված բովանդակալից և կուռ զեկույցով:

Հայրապետական Իր պատգամի վերջավորություն, Վեհափառ Հայրապետն օրհնում է մեր վերածնված Մայր Հայրենիքը՝ Սովետական Հայաստանը, մեր շինարար և խաղաղասեր, ստեղծագործ ժողովրդին, բարեմաղթելով, որ խաղաղություն լինի հայ երդիկների տակ և համայն աշխարհում:

Հանդիսությունը վերջանում է ազգիս հայրենասեր Հայրապետի «Պահպանիչ»-ով և խմբովին երգված «Հայր մեր»-ով:

